

11 AUGUST
RUGACIUNEA 1
SF. CUVIOSI-MUCENICI
TEODOR SI VASILE
DE LA PECERSKA

МОЛИТВА

О, священные главы, преподобные отцы Феодоре и Василие, не забудьте убогих ваших до конца, но поминайте нас всегда во святых ваших и благоприятных молитвах к Богу. Помяните стадо ваше, еже сами упасли есте, и не забудьте посещати чад ваших. Молите за ны, отцы священныя, за дети ваша духовныя, яко имате дерзновение к Небесному Царю, не премолчите за ны ко Господу, и не презрите нас, верою и любовью чтущих вас. Поминайте нас недостойных у Престола Вседержителя, и не престайте моляся о нас ко Христу Богу, ибо дана вам бысть благодать за ны молитися. Не мним бо вас сущих мертв, аще бо телом и преставились есте от нас, но и по смерти живы пребываете. Не отступайте от нас духом, сохраняя нас от стрел вражиих и всякия прелести бесовския и

козней диавольских, пастыри наши добрые. Аще бо и мощей ваших рака пред очима нашими видима есть всегда, но святые ваши души со ангельскими воинствы, со безплотными лики, с небесными силами, у Престола Вседержителя предстоящи, достойно веселятся. Ведуще убо вас воистину и по смерти живых сущих, вам припадаем и вам молимся: молитесь о нас Всесильному Богу, о пользе душ наших, и испросите нам время на покаяние, да невозбранно преидем от земли на небо, от мытарств же горьких, бесов воздушных князей и от вечныя муки да избавимся, и Небеснаго Царствия наследницы да будем со всеми праведными, от века угодившими Господу нашему Иисусу Христу, Ему же подобает всякая слава, честь и поклонение, со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.